

KENYATAAN MEDIA

UNTUK SIARAN SERTA MERTA

Program Bizfrançais Johor 2023 Sediakan Platform Bantu Usahawan Melalui Perniagaan Francais

JOHOR BAHRU, 9 SEPTEMBER 2023 – Kementerian Pembangunan Usahawan dan Koperasi melalui agensinya, Perbadanan Nasional Berhad (Pernas) menyasarkan potensi pembiayaan pada tahun ini di Johor sebanyak **RM7.8 juta**.

Sehingga kini sebanyak RM5.4 juta telah disalurkan kepada usahawan Johor di mana sebanyak **xx** jenama francais dan pra-francais tempatan telah dibangunkan dengan bantuan Pernas.

Program yang merupakan kerjasama Perbadanan Usahawan Johor (PUJB) ini merupakan lokasi ketiga bagi siri jelajah Program BizFrancais pada tahun 2023. Program BizFrancais telah diperkenalkan sejak tahun 2019 di mana Pernas telah menganjurkan 17 siri program BizFrancais dan pada tahun ini, Program BizFrancais diadakan di enam (6) lokasi iaitu Pulau Pinang, Perak, Pahang, Johor, Sabah dan Sarawak.

Sejak Program BizFrancais diperkenalkan, Pernas telah meluluskan pembiayaan sebanyak **RM14.94 juta**. Manakala untuk usahawan di negeri Johor, sejak tahun 2010 sehingga kini, Pernas telah membiaya sebanyak **RM5.4 juta**.

Sehingga kini, Pernas telah menyalurkan sejumlah **RM428 juta** pembiayaan francais kepada **2,187** usahawan francais. Bagi tahun 2023, sebanyak **RM50 juta** diperuntukkan untuk pembiayaan francais dan pra-francais

Bercakap ketika majlis perasmian Program BizFrancais Johor, YB Senator Puan Saraswathy Kandasami, Timbalan Menteri Pembangunan Usahawan Dan Koperasi menyatakan, program BizFrancais adalah satu platform untuk memberi pendedahan serta kesedaran kepada orang ramai mengenai perniagaan francais dan mempromosi Pernas sebagai sebuah agensi kerajaan yang diberi mandat untuk meningkatkan industri francais negara.

Beliau turut menyatakan penganjuran program ini adalah selaras dengan Pelan Strategik 2023 KUSKOP dalam menyediakan ekonomi yang kondusif, meningkatkan daya tahan dan daya saing usahawan selain memperkukuh sistem penyampaian perkhidmatan keusahawanan.

“Saya percaya lebih banyak perniagaan francais dapat dibangunkan di negeri Johor. Saya juga mahu melihat perniagaan pra-francais yang berpotensi di negeri ini dapat dikenalpasti serta dimajukan dan sekali gus dapat membantu membangunkan pertumbuhan ekonomi di Johor.”

Hadir sama YB Tuan Mohd Hairi bin Mad Shah, Pengerusi Jawatankuasa Belia, Sukan, Pembangunan Usahawan, Koperasi & Sumber Manusia Negeri Johor, Dato' Sri Suriani binti Dato' Ahmad, Ketua Setiausaha KUSKOP, Dato' Hazimah binti Zainuddin, Pengerusi Pernas dan Dato' Abu Bakar As-Sidek bin Dato' Haji Mohd Sidek, Pengerusi Jawatankuasa Eksekutif Pernas

Untuk urusan media, sila hubungi: Nurzahirah Md. Zamri, Jabatan Komunikasi Strategik Pernas melalui emel, nurzahirah.zamri@pernas.my atau hubungi talian 03-2082 7788 samb. 7949.

PERBADANAN NASIONAL BERHAD (PERNAS)

Pernas adalah sebuah syarikat pegangan pelaburan ditubuhkan pada 29 November 1969 yang dimiliki oleh Menteri Kewangan Diperbadankan (MOF Inc.) dengan mandat untuk menerajui pembangunan industri francais di Malaysia.

Mulai 2004, Pernas mempunyai sasaran untuk menerajui perkembangan industri francais di Malaysia dan membangunkan jumlah usahawan francais, melalui kepakarannya dengan menawarkan perkhidmatan serta produk-produk yang berkualiti seperti berikut:

1. Skim pembiayaan yang merangkumi semua keperluan perniagaan termasuk perbelanjaan modal dan keperluan modal kerja;
2. Pembiayaan dan pelaburan ekuiti untuk membantu meningkatkan pemilikan ekuiti bumiputera dalam sektor francais strategik; dan
3. Khidmat latihan, bimbingan dan konsultasi untuk pembangunan usahawan ke arah perniagaan francais.

Pernas menyediakan khidmat latihan dan skim khas untuk francaisor dan francais dan mengalu-alukan rakan-rakan francais ke Malaysia. Selain itu, Pernas juga menawarkan perkhidmatan lain seperti latihan, penyewaan ruang runcit, pelaburan & pembiayaan hartanah (berkaitan dengan francais) dan pelaburan ekuiti.

Berpusat di Ibu Pejabat di Bangsar South, Pernas juga mempunyai lima pejabat koridor iaitu Pejabat Koridor Utara, Pejabat Koridor Pantai Timur, Pejabat Koridor Selatan, Pejabat Koridor Sabah dan Pejabat Koridor Sarawak yang bersedia menjalankan peranan mereka dalam membangunkan lebih ramai francaisor dan francais.